



# Farg'ona haqiqati

Ijtimoiy-siyosiy, ma'naviy-ma'rifiy gazeta

<http://farhaqiqat.uz/> [t.me/farhaqiqati](https://t.me/farhaqiqati)

## ИНСОН ХОТИРА БИЛАН ТИРИК, ҚАДР БИЛАН УЛУҒ

### ВИЛОЯТ ҲОКИМИ УРУШ ФАХРИЙЛАРИ ҲОЛИДАН ХАБАР ОЛДИ ВА ПУЛ МУКОФОТЛАРИНИ ТОПШИРДИ

Кеча Фарғона вилояти ҳоқими Хайрулло Бозоров ҳамда Шарқий ҳарбий округ қўшинлари кўмондони, генерал-майор Ойбек Саидов, вилоят мудофаа ва хавфсизлик тизимлари, вилоят секторлари раҳбарлари ва жамоатчилик вакиллари иккинчи жаҳон уруши қатнашчилари – Фарғона шаҳрида яшовчи Татьяна Усманова, Фарғона туманилик Турсунбек ота Исанбеков, Тошлоқ туманида умргузаронлик қилаётган Одилжон ота Зокиров хонадонларида бўлдилар. Уларни иккинчи жаҳон урушида эришилган буюк ғалабанинг 79 йиллиги ҳамда Хотира ва қадрлаш куни билан табриклар, дил сўзларини билдиришди.



Самимий мулоқот чоғида вилоятимиз раҳбари эл-юрт тинчлиги йўлида жанггоҳларда мардлик ва қаҳрамонлик намуналарини кўрсатган, дунёни фашизм балосидан озод қилган инсонлар ҳамisha давлатимиз ва миннатдор авлодлар эъзозидан эканлигини айтиб ўтди. Уларнинг оилавий ахволи, саломатликларини суриштирди. Уруш фахрийларига давлатимиз раҳбарининг табриги ўқиб эшиттирилди.

бир марталик пул мукофотлари ва совғалари топширилди.

Юз ёшни қаршилаётган табаррук инсонлар Президентимиз ва республика ҳукумати томонидан ўзларига кўрсатилаётган чексиз ғамхўрликлар ва эъзоз учун самимий миннатдорчиликларини билдиришди, қўлларини дуога очиб, юртга тинчлик-омонлик, халққа фаровонлик тиладилар.

Вилоятимизда 9 май – Хотира ва қадрлаш кунини умумхалқ байрами сифатида кенг нишонлаш мақсадида бир қатор эзгу тадбирлар амалга оширилмоқда. Иккинчи жаҳон уруши қатнашчилари ва фронт ортида мардонавор меҳнат қилган ҳамюртларимизга иззат-икром кўрсатиш, ҳалок бўлган аждодларимиз хотирасига ҳурмат бажо келтириш миллий қадриятларимиз сирасига қиради. Уларга миннатдор авлодларнинг эҳтироми чексиз.

### Нуронийларга юксак ҳурмат ва эҳтиром ифодаси

Бугунги кунда вилоятимизда 11 нафар иккинчи жаҳон уруши қатнашчилари истиқомат қилмоқда. Улар орасида Фарғона шаҳрилик Татьяна Усманова, Олтириқ туманининг Оқбўйра қишлоғида яшовчи Тўланбой Шокиров, Риштон туманининг Оқер қишлоғилик Мирзааҳмад Сулаймонов, Фарғона туманининг Ёшларобод шаҳарчасидан Орифжон Мўминов сингари нуронийларимиз бор. Шунингдек, 682 нафар фронт орти меҳнат фахрийлари фарзандлари, неварачеваралари, ёшлар ардоғида, сизу бизнинг ёнимизда умргузаронлик қилмоқдалар.

Давлатимиз томонидан иккинчи жаҳон уруши фахрийлари, фашистлар концлагерларининг вояга етмаган собиқ маҳбуслари, Ленинград шаҳри қамалида қолган фуқароларни манзилли ижтимоий ҳимоя қилиш янада кучайтирилгани ва уларга кўрсатилаётган хизматлар сифати оширилганини алоҳида таъкидлаб ўтиш жоиз. Улар нафақат байрамлар арафасида, балки доимий равишда ҳар томонлама ғамхўрликлар билан қўшаб олинган.

Ўзбекистон Республикаси Президентининг жорий йил 16 апрелдаги "Иккинчи жаҳон уруши

қатнашчиларини рағбатлантириш тўғрисида" ги Фармонида кўра, уруш фахрийларини қўллаб-қувватлаш, уларни ижтимоий муҳофаза қилиш мақсадида ҳамда фашизм устидан қозонилган Ғалабанинг 79 йиллиги муносабати билан ҳар бирларига республика бюджети ҳисобидан 20 миллион сўмдан нақд пул берилмоқда. "Нуроний" жамғармаси эса 1 миллион сўмдан пул ажратди.

Маълумотларга кўра, Ўзбекистон аҳолиси 1941 йилда 6 миллион 800 мингдан зиёдни ташкил этган бўлса, 1 миллион 951 мингга яқин юртдошимиз урушга сафарбар этилган. Ҳар уч нафар ўзбекистонликдан биттаси қўлига қурол олиб, фашизмга қарши жанг қилган. Афсуски, дахшатли уруш бутун инсоният қатори бизнинг халқимизга ҳам мислсиз кулфат ва йўқотишлар келтирди. Фронгта сафарбар қилинганларнинг 500 мингдан ортиғи ҳалок бўлди, 158 мингдан ортиқ юртдошимиз бедарак кетди.

Уруш йиллари ёши улуғ ота-боболаримиз, қадок қўлли момоларимиз фронт ортида жасорат кўрсатиб, буюк ғалабага муносиб ҳисса қўшдилар. Улар "Ҳамма нарса – фронт учун", "Ҳамма нарса – Ғалаба учун!" деган ҳаётий эътиқод билан меҳнат

қилдилар. Жанг майдонларига катта миқдорда қишлоқ хўжалиги маҳсулотлари, кийим-кечак, қурол-ярроғ, озик-овқат, дори-дармон ва бошқа зарур маҳсулотлар етказиб берилди. Бу билан халқимиз қанчалар буюк қалбга эга эканлигини кўрсатди.

Яна бир муҳим маълумотни келтириб ўтишни истардим. Ўша йилларда уруш ўчоғига айланган ўлкалардан Ўзбекистонга 1 миллион 500 минг киши, жумладан, 200 мингдан зиёд бола эвакуация қилинган бўлиб, меҳроқибатли юртдошларимиз уларга кенг бағрини очди, бошпана берди, чинакам меҳр-муруват кўрсатди, сўнгги бурда нонигача баҳам кўрди.

Биз уруш кўрган, қирғинбарот жангларни бошидан кечирган табаррук зотларга, суронли йилларда кеча-ю кундуз тиним билмаган фронт орти меҳнат фахрийларига назар ташлар эканмиз, юртимизда ҳукм сураётган тинчлик-осойишталик, миллатлараро тотувликни кўз қорачиғидек асраш, дўстлик ва ҳамжиҳатлик муносабатларини мустаҳкамлаш янада муҳим эканини англаймиз.

Уруш даврида халқимизнинг ватанпарварлиги, жасорат ва мардлик қон-қонига сингиб кетганлигини исботлай олган боболаримиз билан қачон суҳбатлашмайлик, бугунги тинч-осойишта ва эркин ҳаётга осонликча эришилмагани, ғалаба оғир машаққатлар, кўп йўқотишлар эвазига қўлга киритилганини таъкидлайдилар. Қўлларини дуога очиб, бундай шафқатсиз уруш ҳеч қачон такрорланмаслигини, юртимиз тинч, осмонимиз мусалф бўлишини тилайдилар.

Биз Хотира ва қадрлаш куни арафасида яна бир бор жанг майдонларидан қайтмаган миң-миңлаб ота-боболаримизни ёд этамиз, уларнинг руҳи поклари олдида ҳурмат бажо келтирамиз. Бинобарин, ўз мардлиги ва қаҳрамонликлари билан инсоният тинчлигига беқиёс ҳисса қўшган юртдошларимизнинг матонати ва жасоратли ҳаёт йўли барчамизга ватанпарварлик ибратидир. Бугун орамизда соғ-саломат юрган мухтарам фахрийларимизга эса ҳамisha таъзимдаимиз.

Ўрбек ТИЛЛАБОВ,  
"Нуроний" жамғармаси вилоят бўлими бош мутахассиси.

## ХИТОЙ: МУШТАРАК ТАҚДИРЛАР ҲАМЖАМИЯТИ ҚУРАЙЛИК!



Хитой кенг ва кўп қутбли дунё, шунингдек, иштирокчи ва инклюзив иқтисодий глобаллашув тарафдори. Кўп қутбли дунё – катта-кичик барча мамлакатлар тенг ҳуқуқли, гегемонлик ва ҳокимият сиёсати рад этилган, халқаро муносабатларда демократия тарғиб қилинадиган дунёдир. Ғарб эса Хитойнинг глобал супер давлатга айланишидан кўрқади.

Хитой Халқ Республикаси раҳбариятининг халқаро майдондаги энг муҳим ташаббусларидан бири инсоният тақдири муштарақлиги, у империалистик глобаллашувнинг Ғарб моделидан тубдан фарқ қиладиган тараққиёт йўлини тақдир этганидир. Глобал тараққиёт, хавфсизлик ва цивилизация ташаббуси ўнлаб мамлакатларда маъқулланган ва бир қатор аниқ лойиҳаларни амалга ошириш учун концептуал асосга эга бўлиб бормоқда.

Пекиннинг асосий ташаббуси "Бир белбоғ ва бир йўл" лойиҳаси эди.

Дунёнинг 150 давлати бу ташаббус иштирокчисига айланган. 10 йил давомида мазкур ташаббус 3 мингдан ортиқ қўшма лойиҳалар доирасида қарийб 1 триллион АҚШ долларлик инвестицияларни ўзлаштириш имконини берди. Хитой шу лойиҳа доирасидаги мамлакатлар билан савдо айланмасини икки баробарга оширди. Жаҳон банки тахминига кўра, 2030 йилга бориб, ташаббуснинг ривожланиши Хитойга ҳамкор мамлакатларда

420 минг иш ўрни яратиш имконини беради.

Хитой раҳбариятининг аҳоли катта қатлами турмуш даражасини оширишга устувор аҳамият қаратаётгани жуда муҳим. Мамлакатда ўта қашшоқликка барҳам берилди. Ўтган 40 йил ичида 700 миллиондан ортиқ киши қашшоқликдан қутулди.

3 бет

## Долзарб мавзу "ЯШИЛ ЭНЕРГИЯ" УМУМХАЛҚ ҲАРАКАТИГА АЙЛАНМОҚДА

Кейинги йилларда мамлакатимизда "Яшил энергия" манбаларини барпо қилиш, инвесторлар учун жозибадор муҳит яратиш, қайта тикланувчи энергия манбаларини кўпайтириш ва инфратузилмани ривожлантириш бўйича кенг кўламли ишлар бошланган. Бугунги кунга қадар тўғридан-тўғри хорижий инвестиция кириб келди, яна 13 миллиард долларлик лойиҳалар амалга ошириляпти.

Президентимиз Шавкат Мирзиёев шу йил 28 февраль куни қайта тикланувчи энергия манбаларини кўпайтириш бўйича устувор вазифалар юзасидан ўтказган йўғилишда "Яшил энергия" иқтисодиётимизнинг драйверларидан бирига, чинакам умуммиллий ҳаракатга айланиб бораётгани, 2024 йилда 13 миллиард киловатт-соат шу турдаги энергия ишлаб чиқарилиб, унинг давлат энер-

гетикасидаги улуши 15 фоизга етиши таъкидланди.

Бағдод туманида муқобил энергия манбаларини жорий қилиш, ёқилги-энергия ресурсларини иқтисод қилиш, мини ГЭСлар қуришга кун тартибидagi устувор вазифа сифатида қаралляпти.

Бугунги кунда истеъмолчиларга 9 та подстанция, 651 та трансформатор пунктларидан 1616 километр узун-

ликдаги электр тармоқлари орқали ток, 65 та газ тақсимлаш пунктлари, 1 та газ тақсимлаш станцияси, 853,2 километрлик тармоқларда газ етказиб берилади. 7 мингта аҳоли хонадонлари, 51 та улгуржи табиий газ, 45,6 минг хонадон ва 2900 та улгуржи электр энергияси истеъмолчилари бу имкониятдан фойдаланмоқда.

2024 йил давомида уларни ёқилги-энергетика ресурслари билан таъминлаш учун 25,7 миллион метр куб табиий, 9 минг тонна суюлтирилган газ, 257,8 миллион кВт соат электр энергияси, 35,2 минг тонна кўмир сарф бўлиши ҳисоб-китоб қилинган. Шу йил якунига қадар яна 750 та истеъмолчилар, жумладан, 549 та хонадон электр, 201 та хонадон табиий газ тармоғига уланиши кўзда тутилмоқда.

3 бет





